



File: Trajno riješiti problem izbjeglih
Štefan File

EU prikupila 500 miliona eura

► Evropski komesar za proširenje Štefan File (Fuele) izjavio je jučer u Beogradu da će članice EU prikupiti polovinu od potrebnih 500 miliona eura za finansiranje regionalnog programa za trajno rješavanje problema izbjeglih na Balkanu. Na skupu učestvuju ministri vanjskih poslova Srbije, BiH, Hrvatske i Crne Gore.

SAD

Bašić pred sudom u Leksingtonu

► Pred američkim Okružnim sudom u Leksingtonu počinje proces o eventualnoj ekstradiciji Azre Bašić (52), koja je optužena za ratne zločine nad Srbima tokom agresije u BiH. Američka vlada želi Azru Bašić vratiti u BiH, gdje bi se suočila s optužbama, dok će njen advokat Patrik Neš (Patrick Nesh) pokušati to spriječiti, prenosi Srna. Neš tvrdi da SAD pogrešno tumače sporazum o ekstradiciji sa BiH i pita postoji li zastara za optužbe o počinjenim zločinima. Poslije ročišta on je rekao da više nije na snazi sporazum iz 1901. godine koji su potpisali SAD i tadašnja Kraljevina Srbija.

Sud BiH

Mikulić odgovara za ratni zločin

► Pred Sudom BiH za danas je zakazan početak glavnog pretresa na suđenju Draženu Mikuliću, optuženom za ratni zločin protiv civilnog stanovništva u zatvoru u Dretelju, na području općine Čapljina, saopćeno je iz Suda BiH. Optužnica tereti Mikulića da je kao pripadnik Vojne policije HVO-a u Dretelju nečovječno postupao, zlostavljao i učestvovao u namjernom nanošenju tjelesnog i duševnog bola zatvorenim civilima.

Zagreb

Tudman razgovarao s Robinsonom

► Bivši direktor Hrvatske izvještajne službe (HIS) Miroslav Tudman potvrdio je da je u Zagrebu pod subpoenom Haškog tribunala razgovarao s pravnim savjetnikom bivšeg predsjednika RS Radovana Karadžića, Peterom Robinsonom (Peter). - Ja sam pod obvezujućim nalogom razgovarao s predstavnikom Karadžićeve obrane. O sadržaju razgovora ne mogu govoriti, jer za to nemam dopuštenje. Jedino mogu reći da, prema mom mišljenju, Karadžićeva odbrana nema koristi od tog razgovora - rekao je Tudman, javlja Fena.

SRAMOTNO Štete uzrokovane kašnjenjem s realizacijom projekata

Zbog loše vlasti gubili smo 656 miliona KM godišnje!

Prijeti nam veća stagnacija, tvrdi Huskić



Zbog neefikasnosti prethodne vlasti i kašnjenja s realizacijom projekata za koje su podignuti krediti BiH je godišnje gubila 656 miliona maraka direktnih prinosa, pokazala je zajednička analiza gubitaka nevladinih organizacija „Fridrich Naumann Stiftung“, „Transparency International BiH“

(TI) i „Centar za politike i upravljanje“ (CPU).

Građani plaćaju

Analiza Lejle Dragnić iz CPU-a pokazala je, kako je izjavila za „Avaz“, da je gubitak za građane minimalno iznosio 420 miliona KM, a preostalih 36 posto izgubi-

li su fondovi. Radi se o prispjelim obavezama do 31. decembra 2010. godine.

- U pitanju su, prije svega, projekti u infrastrukturi koji nisu realizirani na vrijeme, a za koje je država uzimala milionske kredite. Ovaj proračun je čak vrlo optimističan, jer smo kod svih projekata

uzimali jednu godinu kašnjenja, iako je to često mnogo više. Realno, moglo bi se doći i do milijarde maraka. To su pare građana i svako kašnjenje upravo oni plaćaju - kaže Dragnić.

Pojednostavljeno, izgubljene su, kaže, 511.302 mjesečne prosječne bruto plaće. Osim toga, analiza neefikasne vlasti, koja je na ovaj način ocijenjena i u izvještaju Evropske komisije, građane je koštala i s ekonomskog, ali i političkog aspekta.

Moguć nazadak

Prema procjenama Adnana Huskića, koordinatora „Fridrich Naumann Stiftung“, postoji realna opasnost da ćemo, ukoliko vlasti, ali i međunarodni faktor ne poduzmu hitne mjere, doći do veće stagnacije ili čak nazatka.

F. KARALIĆ



Blagovčanin: Urušavanje pravnog poretka

Procesuirati najteže oblike političke korupcije

Izvršni direktor TI Srđan Blagovčanin upozorio je na izvještaj Evropske komisije o napretku BiH u kojem se upozorava na teške oblike političke korupcije.

- Postoji opasnost od potpunog urušavanja pravnog poretka i insti-

tucionalnog okvira ukoliko se ne poduzmu hitne mjere na procesuiranju najtežih oblika političke korupcije. Može se dogoditi da čak i agencije za provođenje zakona budu dovedene u situaciju da budu pod kontrolom korumpiranih struktura - kaže Blagovčanin.

Zbog izloženosti zračenju osiromašenog uranija iz NATO-ove municije

Kanađanin otrovan u BiH štrajkuje glađu

Bivši kanadski vojnik Paskal Lakost (Pascal Lacoste), koji je u BiH od 1996. do 1997. godine bio u sastavu SFOR-a, počeo je štrajk glađu tvrdeći da je obolio zbog izloženosti osiromašenom uraniju u našoj zemlji, javljaju tamošnji mediji.

Lakost se odlučio na štrajk glađu jer mu resorno ministarstvo odbija preuzeti troškove liječenja. On se ispred objekta kanadskog ministar-

stva za borce zavezao za svoj kamionet, čime privlači pažnju medija i javnosti.

- Želim da vlasti priznaju da su otrovani i brojni drugi vojnici koji su Kanadi služili u misijama širom svijeta. Ovo činim za sve naše veterane koji su suočeni s istim problemima - rekao je Lakost, kod kojeg je još 2003. godine otkriveno da ima visok nivo uranija u tijelu, nakon što

Opasno zračenje

U nedavnoj izjavi za naš list šef Odijela za odbrambene tehnologije Mašinskog fakulteta u Sarajevu Berko Zečević ocijenio je da je na teritoriju BiH nataloženo oko 60 kilograma osiromašenog uranija. Zečević je rekao da je avi-

jacija NATO-a na teritoriju BiH ispalila 10.800 zrna avionske protivoklopne municije s osiromašenim uranijem. Područja koja su u BiH kontaminirana uranijem su Hadžići, Han-Pijesak i okolica Sarajeva.



Razgovor Lakosta s kanadskim zvaničnikom

su mu ljekari testirali uzorke kose.

Problem prisustva osiromašenog uranija u BiH u poslijeratnom periodu nikada nije dovoljno istražen, i-

ko postoje informacije da bi on mogao biti jedan od glavnih uzroka povećanog broja slučajeva leukemije i tumora, kod djece i odraslih. A. Du.